

M228: Tobiassegen U

4,1 sande obias
4,2 obias uon wisan was
4,3 sin sun er sante
4,4 so uerre in fradiu lant
4,5 daz er des wolte wenen
4,6 daz er in niemer mere gesehe
4,7 sin sun was ime uil lieb
4,8 unsafte er uon ime schiet
4,9 umbe in was ime uil leit
4,10 er sande in uber fierzec tagiweide
4,15 er sprah "der cot der uor niemen uerborgen ist
4,16 und des aigenschlat du der bist
4,17 der an niemene wenket
4,18 si armen uil wol bedenket
4,19 der muoze dih hiute behuoten
4,20 duch sine uaterlihe guote
4,21 uber uelt durh walt
4,22 uor aller note manecfalt
4,23 uor hunger und gefrorde
4,26 cot muoze min gebet erhoren
4,29 . N . du slafest oder wachest
4,30 in holze oder in dahhe
4,31 din uiente werden dir geminret
4,32 cot sende dih heim uil
4,33 wol gesunt mit uil guoten muote
4,34 hin heim zuo dinem aigen guoten
4,35 gesegenet si dir der wec
4,36 uber straze und uber stec
4,37 da uor unde da hinte
4,38 gesegen dih die heren fih wunden
4,39 ietwederhalben dar inneben
4,40 geste dir der himilische degen
4,43 in gotes fride du uar
4,44 der helige engil dih bewar
4,45 ez herze si dir steinen
4,46 der lieb si dir beinen
4,47 ez hobet si dir stlelin
4,48 der himel si dir schilten

4,49 diu helle si dir uor uersperret
4,50 alz ubil si uor dir uerirret
4,51 ez paradis si dir hofen
4,52 elliū wafen si uor dir uerslozen
4,53 daz si daz uil gar uermiden
4,54 daz dih ir dehainez stehe noh en side
4,55 der mane und oh diu sunne
4,56 die liuhten dir mit wunne
4,56a des heligen geistes sibēn geben
4,56b lazen dih mit haile leben
4,57 die zwelfpoten
4,58 die eren dih uor gote
4,59 daz dih din herschat gerne sehe
4,60 alz lieb muoze dir geschehen
4,61 der guote sande stefan
4,64 der alle sin not uberwant
4,65 der geste dir bi
4,66 swa dir sin not und turs si
4,67 sande iohannes
4,69 und die uiere ewangelisten
4,70 die raten dir daz beste
4,71 min fruowe sande merie
4,72 diu here und frige
4,73 mit uil des heligen crist bluote
4,74 werdest du geheileget daz din sele
4,75 des himelriches niht uerstozēn werden noh der werltlihen eren
4,76 cot gesege dih dannoh mere
4,77 Sande galle diner spise fphlege
4,78 Sande gerdrut dir guote hereberge gebe
4,79 selec Si dir der lieb
4,80 holt si dir man und wib
4,81 guot rat din werde
4,82 daz du uurest todes immer ersterbest”
4,83 also seget der guote sande obias sin sun und sante in do
4,84 in ein lant ze einir stat diu hiez simedio
4,85 diu burc diu hiez sirages
4,86 sit wart er uil fro
4,87 cot sante in heim uil wol gesunt mit uil guoten muote
4,88 hinne heim zuo sin aigen guote
4,89 also muozest du hiute geseget sin
4,90 des helfen hiute die helegen namen dri
4,91 des helfe hiute diu wihe
4,92 min frauwe merie
4,93 des helfen mir elliū diu kint
4,94 diu in dem himelriche sint
4,94a und der guote sande obias und sin hileger trunsun